



## Skupština Kantona Sarajevo

n/r Predsjedavajući,  
Dr. Mirza Čelik ✓

Ul. Reisa Džemaludina Čauševića, br. 1  
71 000 Sarajevo

71000 Sarajevo, Trg Fadile Odžaković Žute br. 4  
[www.sarajevogas.ba](http://www.sarajevogas.ba)

### TELEFONI:

Direktor preduzeća: ++387 33 20 03 30

Telefonska centrala: ++387 33 44 51 20  
++387 33 22 52 51



### Fax:

++387 33 44 55 25

++387 33 44 37 21

Broj: 0101-08-972/2


Naš znak: NOA-EK-MF/AK/SP

Datum: 15.04.2020. godine

**Predmet: Odgovor na inicijativu zastupnika Elvise Vreto**

*Veza: Vaš dopis, broj: 16-01-04-8603-2/20 od 01.04.2020. godine*

Opština Hrvatska  
Republika Hrvatska  
SARAJEVO



Poštovani,

Na Vaš zahtjev, u nastavku se dostavlja odgovor na inicijativu zastupnika Elvise Vreto, izloženu na 23. radnoj sjednici Skupštine Kantona Sarajevo, održanoj 23.03.2020. godine.

### **Inicijativa:**

"Sa ciljem ublažavanja ekonomske krize prouzrokovane pandemijom COVID 19, upućujem inicijativu Vladi KS i organima upravljanja javnih komunalnih preduzeća u Kantonu Sarajevo da uvedu tromjesečni moratorij na plaćanje usluga građanima koji iskažu interes i potrebu."

### **Odgovor:**

Kantonalno javno komunalno preduzeće "Sarajevogas" d.o.o Sarajevo (u daljem tekstu Sarajevogas/Preduzeće) osnovano je da samostalno obavlja djelatnost od opšteg interesa, a to je distribucija i snabdijevanje prirodnog gasa, kao i održavanje cjelokupnog gasnog sistema u Kantonu Sarajevo.

Samostalno obavljanje djelatnosti, podrazumijeva finansiranje Preduzeća iz prihoda od osnovne djelatosti, dok sam oblik društva podrazumijeva poslovanje bez gubitaka. U tom smislu, važno je skrenuti pažnju na sljedeće ključne odrednice odgovora na zastupničku inicijativu:

- Sarajevogas prirodni gas kupuje od dobavljača BH-Gasa, kojem je u obavezi izmiriti sve dospjele obaveze prema zaključenom ugovoru, kao i obaveze iz prethodnog perioda koje su predmetom dugoročnog reprograma. U slučaju neizmirenja obaveza dobavljaču, može doći do prestanka isporuke prirodnog gasa za Kanton Sarajevo, a sa druge strane do aktiviranja sredstava obazbjedenja i potpunog blokiranja poslovanja Sarajevogasa.
- Nadalje, značajno je skrenuti pažnju i na posljedice za dobavljača BH-Gas, u slučaju neizmirenja obaveza od strane Sarajevogasa, kao najvećeg kupca u FBiH, a što posljedično može dovesti do nemogućnosti plaćanja obaveza od strane BH-Gasa ruskom isporučiocu za ovaj uvozni energent, te bi isto imalo posljedice ne samo na Kanton Sarajevo, već na FBiH.




- Pored ovoga, u slučaju odgađanja plaćanja isporučenog prirodnog gasa za kupce iz kategorije Domaćinstva, tj. građane, u pitanje bi se dovela mogućnost finansiranja troškova održavanja gasnog sistema, koji se pokrivaju upravo iz cijene distribucije prirodnog gasa.
- Takođe, Preduzeće se već suočava sa situacijom da mnogobrojni privredni subjekti najavljuju nemogućnost izmirenja svojih obaveza, zbog obustave ili značajno umanjenog obima obavljanja njihovih djelatnosti, uključujući našeg najznačajnijeg kupca KJKP Toplane, koje zbog ugrožene naplate svojih usluga mogu doći u situaciju da obaveze prema Sarajevogasu ne izmiruju u planiranoj i ugovorenoj dinamici i obimu.
- Ukoliko bi Preduzeću bio naložen još i moratorij na naplatu potraživanja iz kategorije Domaćinstva, tj. od građana, isto bi uzrokovalo dodatne probleme koji bi sasvim izvjesno doveli do obustave isporuke prirodnog gasa u Kantonu Sarajevo svim potrošačima.

Dakle, Sarajevogas kao preduzeće koje obavlja djelatnost od opšteg interesa ne smije doći u situaciju da istu ne može obavljati tj. obazbijediti građanima Kantona Sarajevo kontinuitet i sigurnost isporuke, što bi bila situacija u slučaju odgađanja plaćanja.

Doprinos Sarajevogasa, u narednom periodu zbog vanredne situacije, za građane koji nisu u mogućnosti da izmire svoje dospjele obaveze, biće iskazan kroz fleksibilniji sistem prinudne naplate, a što će biti razmotreno za svaki individualni slučaj.

Za dodatne informacije i pojašnjenja stojimo Vam na raspolaganju.

Sa uvažavanjem.

  
v.d. Direktor Preduzeća  
Sahrir Rasovic, dipl.ing.maš.

Dostaviti:

- naslovu
- arhivi Preduzeća (4x)